

14.5.88 GR

Placi Levy-Schmid, Mustér/Sedrun



Aschi vess sco ei va da stuer crer – igl ei veramein realitad. Igl um enconuschents cun in ordvart saun natural ei buca pli denter nus.

Affonza

Il trapassau ei naschius ils 11 da mars 1938 a Caprau/Mustér. El ravugl dalla famiglia da Luis e Mariuschla Levy-Schuoler ha el – sco secund affon da 10 fargliuns – astgau passentar ina emperneivla affonza. La moda e maniera, la retratgadat zuppentada d'ina veta pleina da plans e giavischs per aventuras ein aunc dètg bein enconuschentas agl autur da questas lingias. Tal che vuless pretender il cuntrari, ha bein enconuschiu il bien amitg sco persuna, denton buca astgau ni giu caschun da guder la buontad da quei carstgaun che pareva anoviaris forsa a biars dad esser inpenetrabels.

Sco la veta dils onns era – bein entras il temps – tschentada en direcziun da segidar primarmein cun ils da casa, ha ei era tuccau al Placi da cagar il fagot ed acceptar la purschida dil gudogn e paun jester. Sco buob en la bassa, pastur dad alp e lu naturalmein caver e nurser ein denter autras bein stadas las staziuns, nua ch'il fidau giuvenot ha schau engaschar. In mussament che siu survetsch era cuntenteivels ei bein il fatg, che ual el era tschercaus per sura incarica.

Professiun

Che la veta dad alp e pastur saveva buca purtar cuntentientscha al Placi a liunga vesta, ei bein stau da capir. Il bien dun

practic ha perquei tschentau il binari dalla travaglia en autra direcziun. Sco emploiau d'ina pli gronda fatschenta da transports en la bassa ha levantau en el igl interess da schar scolar sin la bransch da maschinass. Las lubientschas da manischunz sin differentas categorias dad autos han bein aviert al talentau autist novas pusseivladads d'existenza. Il schar encrescher per la tiara romontscha ha era buca schau ruaus ad el, ed aschia lai igl uerbel muntagnard plascher la professiun dad autist ed accepta era quella professiun. Ins astga far menziun che quella occupaziun era ils onns entuorn 1960 ina plazza fetg tschercada. Ils mirs da fermada, sanaziuns da straduns, ovras electricas e bia auter eran da quels onns las lavurs en gronda cuorsa cheu tier nus.

Tier tut che igl engaschi sco manischunz surveva cumpleinamein al Placi, tschercava el adina puspei autras pusseivladads da lavur. Ils ligioms da ses antenats, glieud flexibla e zun inschignusa, han era entruidau el da schar demonstrar la lavur d'artist, numnadamein igl exercitar il mistregn da vischler. Che quella professiun ei ton sco bunamein morta ora, muossa bein con paucs che ein oz aunc habels da sedar giu cun quei bi ed engrazieivel mistregn.

Veta da famiglia

Igl onn 1965 ha il giuven Placi serrau la ligia matrimoniala cun la giuvna Irmina Schmid, da Sedrun. Lur lètg ha il Segner benediù cun 5 affons dils quals 3 ein aunc en veta. Perschadi dalla obligaziun han ils dus conjugals Levy-Schmid demonstreu che oravontut oraziun, lavur e spargnusadad portien il meritau success. Atgna casa, scolaziun als affons e survesta digl agen fatg, ei bein ina admirabla finamira d'ina communitad da famiglia.

Post dad engaschi desiderau

Igl amitg dalla natira, il catschadur e fegl d'ina enconuschenta famiglia da catschadurs, vegn elegius igl onn 1975 sco survigilader da catscha e pesca. Il grond giavisch ei finalmein daventaus realitad. Pertscharts dalla buca semplia missiun, ha il trapassau denton ademplier quei survetsch per cumpleina cuntentientscha da patrun e pertuccai.

Destin

Il carstgaun propona e Dieus dispona! Il giuven mariu e bab plains da vitalitad e speronzas vegn confruntaus cun la situaziun da direzia, numnadamein cun la dira sort d'ina maligna malsogna. Con vess igl ei iu al bien Placi da stuer acceptar quella tresta realitad, basegna ualvess pli gronda dilucidaziun. A caschun d'ina viseta a ca-sia ha il bien amitg mussau cun tutta detschartadad sin tgei moda ch'il human sesprova, respectiv seriscuda en talas situaziuns.

Descriver en in cuort necrolog la veta d'in carstgaun ch'ei staus ad ins sez datter, ei tut auter che sempel. Tgei sperdita ch'il Placi ha caschunau a nus ha bein la ordvart gronda participaziun a caschun dalla sepultura. dau perdetga. Demussar la dretga engrazieivladad – a caschun d'ina mort prematura – ei ton sco nunpusseivel. Perschadi dil fatg ch'il trapassau ha sin siu viadi terreste acceptau il destin da nies Scaffider, giavischel jeu da tut cor, e quei en num da biars, a Ti car amitg il ruaus en paisch. Allas famiglias en malencurada vegli il Signur sur veta e mort dar la forza da surportar quella greva emprova e dolorusa crusch.

Tiu amitg
Battista Lutz